

Եւ ընդ վերիվայր տարածմանց բազկաց և սրբնթաց քայլափոխմանցն ոտից՝ հանդերձքն պսպղուն սփռեալ յաջ եւ յահեակ վառմամբ տարածէր իբրեւ զգրօշս խելից նաւուց ովկիանական ծովընթացիցն, որք զխելս ընդ նոյն սփռեալ վառվռէին: Եւ ընդ ճառագայթ արփենուոյն խիտ առ խիտ սօսայր որպէս զմարգարիտս՝ հանդերձքն կերպասեղէնք նետ զնետիւ հարեալ հողածնաց զխպողաց: Եւ ի քայլափոխութեանց հոտոտէր բուրմունքն որ յանձանց եւ ի ծաղկանց զարմազանից գեղաւորաց ի վայրն կանաչորակ ծաղկանց ծիրանեաց եւ դեղնեաց եւ երկրագունիցն եւ մանուշակորաց եւ սպիտակաց երփն երփն յօրինուածոց յօրինեալ ի Յօրինողէն: Յարեւնման զանազան կերպարանաց իւրոց, որք իւրաքանչիւր ոք յատկակի ունէին զգեղ դիմաց սրտաքարչից, որպէս եւ բուրումն էր օրինակ զանազան ծաղկանցն բուրմանց, եւ տեսիլքն զանազան: Զայս մինչդեռ անդրէն գրէի՝ եկին հասին ի վերայ իմ քահանայք եւ ոմանք տեղուոյ՝ ասեն. Վա՛յ մեզ, զի ի կատականս քո եղաք այսօր. որոց պատասխանէի թէ Գրածն իմ ոչ է վասն նոցա: Այլ նոքա իմացեալք աղաչէին զխօսիլն իմ: Ասացի. Պախտ էր ինձ եթէ պատահեալ իսկ լինէի իբրեւ յերազի՝ քան թէ ի նոր տեսիլս ըմբռնեալ ի տողունս նոր իմն վէր ի վերայ սպից հնացելոց: Այս ինձ զխպուած պատահեալ հասանիլ ի տեղիս եւ ի սոյն աւուրս, զի ցուցանէին զյօրինուած արհեստին իւրեանց, զի գրէի յիշատակութիւն Պոնտացոց, քաղաքաւ եւ ազգաւ վաճառականք՝ առ ի մատուցանել զգեղ կերպարանին իւրեանց եւ քարչեալ ի մէջն զխելս յեղակարծ պատահողաց ընդ յինքեանս: Վա՛յ դստերացն թրակացւոց որք յարկում արգելեալք՝ յակամայ եւ առ ահի բռնակալաց չունին յետող ինչ զի ծախել կարիցեն զօրս եւ ունին: Այլ ընդ կաքաւս ոչ զարմացայ այնքան՝ քան